

2 TIMOTEO

Ɔko Nyɔare Gɔ I Paulo Ɔtsere Ɔtã Timoteo

¹ Ɔko gɔgbe ɔbɔre i mme Paulo gɔ nde Kristo Yesu Katɔmesedze iki i Ƴaa kuɔɔe ame. Ɔpia me so lope ngbã me ɔɣe ɔse so ɔtã bo i bo mawẽ ibaragu Kristo Yesu imomo.

² Wũ ɔbi ɔɔese Timoteo, Ƴaa gu Bosate Yesu Kristo abualera si awegu-ɔ si fo ara si aɔo ma kayiri ana si matã-ɔ isobue.

Ya Teteree I Kafɔkaɔe Ame.

³ Nto lope Ƴaa gɔ lose losumu le kumego i wũ mawa ɔbara siba. Fie nse lobara ngbo i ɔtu gɔ lokpa ame. Ana ne, nse lope wũ siba kasẽ i kakome i fo iti si loto lokparama kayi.

⁴ Lose lonyigi fo nnome me abie gɔ boto bosame fie loto lobie gbaã so loaledza-ɔ inya si wũ isoɔɔ ayi.

⁵ Nto lonyigi fo kafɔkaɔe teteree ga aba. Nga igbã lowe i fo ɔwarɔgo Lois gu fo ɔnyi Eunike merẽ ame fie lofo loɔe so fɔ wũ aba kã.

⁶ Adzuni wagbe ɔso fie loto lotsere-ɔ ɔko so si amɔẽ karatã ga i Ƴaa ɔtã-ɔ ku ɔwi gɔ losia-ɔ nroɔ iso lokparama kayi ala teteree ne.

⁷ Alaso Ƴaa iisu ifɔ siwarã ɔtã bo. Ƴee ne, ɔtã bo siwarã dze loatã bona ɔle gu kuɔɔe gu kumego boamɔẽ so bola ana.

⁸ Nnegbe ɔso ne, daatã so kunuare aakpẽ-ɔ so aaya i Ƴaa itɔme kama, ɣee so kunuare aakpẽ-ɔ

i wũ iso le ngo nre iyo ala Kristo oso. Үεε ne, fo wũ ya i fo inyewe kanya teteree si adji Bosate Itõme Bielea ate. Үaa otã-ɔ ole so aawo nnegbe obara.

⁹ Bosate oɖe lotã bo ngbã fie okpere bo so bokpese ã maturi. Iiɖe bo ara sεε wa bobara oso. Үεε ne, Үaa momo adzuni gu ã abualera wa oba otã bo oso. Fie iki i Yesu Kristo iso fie bona abualera wagbe fie mabara kayiiso.

¹⁰ Kinio ne, Үaa oɖi nnyainyo negbe ote bo sekelee i Ðidze Yesu Kristo iba ame. Ɔ oɖe loɖe kukpi ole iso. Fie iki i ã Itõme Bielea iso ne, oɖi ngbã me loise miro ote.

¹¹ Үaa osu me obara ã isãyase gu katõmesedze gu Itõme Bielea negbe ratedze.

¹² Nnegbe oso fie loto lowe inye ne. Үεε kunuare iito me alaso lofo loɖe kukaako fie loxe ngo iso i wũ oriinyo sia. Loxe ana so oto ãamõẽ ira ne losu lopia i ã nroõ ame ola kukaako gbogboogbo iabo iyi tsora nemo iso.

¹³ Moẽ atõme bielea oɖudu wa lote-ɔ la kukaako le fo osedziri si abara wã iso. Ya teteree i kafokade gu kuɖe ame, ara wa nde bo are si bobara kanya kawẽ ku Kristo Yesu.

¹⁴ Iki i Үaa Siwarã ole go mpia i bo ame iso ne, moẽ ara sεε oɖudu wa i Bosate osu opia i fo nroõ ame la kukaako.

¹⁵ Aye so Asia mafoddedze oɖudu orui manyua me fie Figelo gu Hermagene ana onyua me mase.

¹⁶ Lokare so Үaa aanyo Onesiforo gu ã iyo maturi nnya alaso ãikpẽ kunuare i wũ iso le yoredze, xεε ne, owegu me obuai me kukaako.

17 Ɔwi go ɔba Roma ne, ɔnyɔnyɔ me gbɔgbɔɔgbɔ ɔba ɔanya me.

18 Lotā Yaa iti sɔ ɔnyɔ wū nnya ku atōme iyeyi iso. Fɔ mɔmɔ aye siri agbāagbā wa iso ɔbuai me i Efeso.

2

De Kpakpɛdze Nukuarese.

1 Fɔ ne, wū ɔbi, we ɔle i bo kanya kawē ibara ku Kristo i ɔ abualera wa ɔtā bo ame.

2 Ara wa anɔ sɔ lote i maturi gbodzoo katō ne, wā si asu apia i maturi ma lofɔ maɖe nroɔ ame sɔ ma wū maasu mate maturi mama ana ne.

3 Ya teteree i inyewe kanya le kpakpɛdze sɛɛ go nyɛ ɔtā Yesu Kristo.

4 Kpakpɛdze go nyɛ i ɔ karabara iso gbaā ne, ɔsɛ ɔbie sɔ ɔ kurabarara aapia ɔ tōɖedze isoɔ. Ne ɔso ɔise ɔpia mma loide makpakpɛdze atōme kanya.

5 Ngbo ame i iseterese go nto ɔbie sɔ ɔaɖe iso ne, ikote sɔ ɔabara i mmara ɔɖuɖu iso kukaako.

6 Kpɛdze go nse ɔbara karabara ku kube i ɔ kakpekō ame ne, ɔ nse ɔɖe ɔturi ɖeakatō go loade aɖera ɖeakatō ne.

7 Ara wa nto loyere-ɔ ngbe ɔɖuɖu ne, dzuī wā nyɔ alaso loye sɔ Bosate to ɔatā-ɔ karō inɔ i wā ɔɖuɖu ame.

8 Nyigi Yesu Kristo go lobɔre i David ɔyekpare ame, ngo i Yaa ɔtara ɔbɔregu i makpise ame le kumɛgo i Itōme Bielea ne loto loye ɔte.

9 Nto lowe inye ala Itōme Bielea ne loto loye ɔso. Fie mapia me kugbagoroī le ɔturi lalaa awe. Yee Yaa itōme na i kugbagoroī ame.

10 Nnegbe ɔso lofo ira biara lome ala Yaa maturi ma ɔɔi ɔso so si maana idi ne i Kristo Yesu iso ɔnɔwɛ maaki fie maana gu isoɔɔ ne loyi i ngbã ɔɔɔɔ ame.

11 Itɔme negbe ne, gbaã idɛ so,
 “Si bobaragu Bosate mawɛ i ɔ kukpi ame ne,
 boata bosegu wũ ngbã.

12 Si bowo ɔya teteree i inyewe biara ame ne,
 boadɛgu wũ sigara.

Fie si bosɛ wũ ne,
 ɔ wũ ɔto ɔasɛ bo.

13 Si bosɛ wũ i bo kafɔkadɛ ame ne,
 ɔ ɔibawo ɔkpese i ɔ atɔme kama.
 Alaso ɔibawo so ɔsɛ ɔnya.”

Mɔɛ So La Kukaako So Aabo Yaa Anɔ.

14 La ɔɔnyigira fo maturi ara wagbe si aka ma kukaako i Yaa katɔ so maibapia kakpadzɛ. Alaso isudɛa kuiwɛ na i ne ame. Yɛɛ iatã so mma loano ara wagbe kafɔkadɛ aakpase.

15 Mɔɛ so la kukaako i ɔri biara iso so aabo Yaa anɔ. Bara fo karabara so kunuare iibakpɛ-ɔ. Yɛɛ ɔɛ ngo loate Yaa itɔme kukaako.

16 Ɖi so boregu i atsue pɛ gu ara wa nna karɔ iɔɛ ame. Alaso maturi ma nse mabara ara wagbe igbã ne, ise idi ma adzuni iboregu i Yaa kɔre ikelegu dzoroo.

17 Ara wagbe igbã ite se le imayɛi ne nto iforɛ. Maturi inyo ma nto mate wã ndɛ Himeneo gu Fileto.

18 Maɔfiniki mabore i Itɔme Bielea kɔre mapia makpɔkpɔtora mafɔɔɔɔɔ mawɛ adzuni so bo

iledza ita ibore i kukpi ame iwegu Yaa oba iafe koko.

¹⁹ Yee ne, Yaa iyo ita ne iso matsue ne masia ne, kuira iibawo ne otidza. Ita negbe iso matsere atome wagbe masia so, “Bosate xe mma nde o mare” fie “Ngo nto oxe so osiai Bosate ne, ofiniki onyua akpi obara.”

²⁰ I ranase iyo ne, arci agbaagba se. Awẽ mabara ala sikaretea fie awẽ ana sikafudza. Mapo awẽ ala sise fie awẽ ana ne, kudziri mawe ala. Arci wagbe ne, mase mabara awẽ karabara ku ayi ide ame. Fie awẽ ana ne, mase mabara wa karabara iyi biara.

²¹ Ne oso si oturi oji so oboregu i anyanyara ame fie osekelera so ne, ofo kuxa ota Bosate. Ne oso maawo wu osu obara karabara see biara.

²² Di so boregu i ara lalaa wa nse awe maporopori omerẽ ame. Bara ira biara i ori iso si ase ngba le fodedze. Doe maturi si asegu ma i isobue ame. Siai ara wagbe gu mma odudu nse makpere Bosate ku otu sekelea.

²³ Di so boregu i kakpadẽ ga nna karõ ame, alaso ara wamo igba se abo kulu.

²⁴ Iikote so fo le Bosate odabo ne, aala oolo kalo. Yee ipia so aala obara ara see gu kayiribielea otã maturi odudu fie aade ratedze see gu oturi xa.

²⁵ Mma odudu nse mata maya Itome Bielea iso ne, la odu ara karõ ote ma ku otu xa siainyo Yaa to otã so maafiniki maba maatsue onkuare.

²⁶ Ne oso ma adzuni to aabusi so maabore i Satana go lobara ma o ara lalaa mabaradze iyebi ame.

3

Maturi To Maasẽ Yaa I Ayi Tsɔra Ame.

¹ Tsue sɔ, i ayi tsɔra ame ne, ɔtile to ɔatã sɔ kayi to kaawe ɔle kukaako.

² Maturi to maadɔɛ ma ɔnɔwẽ saã okpe, maɔɔɛ sikã. Mala maɔɔɛ ndamu maɔkɔɛ so kato. Maadɛ maturi ma loaxere maturi atsue pẽ gu mma loibaware mayese. Maadɛ mma loibape siba gu manyanyase.

³ Mato maadɛ mma i ɔturi mama ara iise adɔ kayiri gu mma loise manyɔ nnya. Maadɛ mma loala mila masia maturi iso fie maadɛ mma loise maɔɛ so iso. Mato maadɛ maturi ma mba silalaa. Maadɛ mma loise maɔɔɛ ira sɛɛ.

⁴ Mato maadɛ maturi ma loadɔ ma malaa matã. Mma loabara ira maro fie maabu iti ame, gu maturi ma loabu sɔ ma ɔnɔwẽ ndɛ manɔgbadze gu mma loadɔɛ kayiiso isoɔɔ maɔɔ Yaa.

⁵ Maturi magbe sɛ mate so lɛ mafɔɔɔɔɔɔɔɔɔɔɔ, ɣɛɛ masẽ Yaa ɔle sɔ ɔdaadɛ ma iso. Ɖi so bɔreɣu i maturi magbe igbã kɔɛ.

⁶ Alaso mmagbe igbã ne, mase mawere mabo i maturi ayo mafinikira marɔɔgo ma loise mawo so iso ɔɔɔɔ adzuni ala ma akpi ɔɔɔɔ ma iti gɔ masiai sosina ɔmerẽ agbãagbã ɔso.

⁷ Marɔɔgo magbe to masuã ara ɔwi ɔaa, ɣɛɛ maito matsue ɔnukuare.

⁸ Kumegɔ i Yane gu Yambre ɔta maya Mose iso kokooko ne, ngbɔ ame i mila maratedze magbe to maata maya Itõme Bielea iso ne. Maɔɔ maturi ma i ara lalaa ɔyi ma adzuni ɔɔɔɔɔɔ ame fie maɔɔyu kafɔkafɔɔ ɔri mɔmɔ.

⁹ Үεε ne, maibađe iso, alasɔ ma ara lalaa to aabɔre i ɔgbami gɔ maturi ɔɖuɖu to maanya maturi ma igbã mađe le kumεgɔ ibɔre Yane gu Yambre iso.

Bosate Si Ɔɖi-ɔ Ɖbɔregu I Imɔrẽ Biara Ame.

¹⁰ Fɔ ne, ɔɔnya wũ ara ite fie aɣe wũ nsegbai gu wũ adzuni gu wũ kafɔkađe gu wũ ikpẽgu wũ kuturidɔe gu kumεgɔ loya teteree.

¹¹ Aɣe kumεgɔ masiai me maɖaa me fie lowe inye. Aɣe nne loba me iso i Antiokia gu Ikonion gu Listra. Bu kama iti ne ame loki lofe. Үεε i wã ɔɖuɖu ame ne, Bosate ɔɖi me.

¹² Gbaã idɛ sɔ, mma ɔɖuɖu loase ngbã sɛɛ i Kristo ame ne, mato maate ma ɔɣiã makpẽgu ma.

¹³ Үεε mila maratedze gu maturi lalaa ne, ma inina to iakelɛ katõ. Mato maasɔsɔla maturi, Үεε ma wũ ɔsɔsɔla ma to ma.

¹⁴ Fɔ ne, lɔbie sɔ aaya teteree i ara wa asuã fie afɔ ađe ana iso. Alasɔ aɣe mma kɔre asuã wã abɔregu.

¹⁵ Gɔ ita i fɔ sibiɛte ame ne, aɣe ɔko sekelea ame atõme wa loatã sɔ aakpa anɔ, iatã ana idɔ iki i Kristo Yesu kafɔkađe ame.

¹⁶ Үaa Siwarã lotã mma ɔɖuɖu lotsere Ɖko Sekelea iwola fie matsere. Ara wa matsere le atã ɔturi ara ite, kuka, aɣere iledza gu ikararã itã ngbã sɛɛ ise.

¹⁷ Matsere sɔ si ɔbiara gɔ losu so ɔtã Үaa aayi fie ialedza wũ itã karabara sɛɛ biara ibara.

4

Үε Itõme Bielea.

¹ Loḡe i Ḳaa gu Kristo Yesu gɔ loaledza iba iaḡegu magbanadze gu makpise atõme kanya. Ngo loaledza iba iaḡe sigara nto loka-ɔ teteree so,

² korõ pia o-o, korõ na o-o ne, daama Itõme Bielea kanya. Ka maturi si asẽ ma, pia ma ɔto si aḡiḡi ara korõ ate ma ku ɔtu ḡaa.

³ Alaso ɔwi to ɔba gɔ maturi iibamõẽ Itõme Bielea mala, ḡee mato maabara nne maḡɔe fie maabie maratedze matã so, mma loḡere ma ara wa maabie so manɔ i ma ɔrakolo kanya.

⁴ Mato maafiniki i Itõme Bielea neḡbe kama masiai anatika.

⁵ Fɔ ḡee ne, mõẽ so la kukaako i ɔri biara iso si awe ɔle i inyewe biara ame. Bara Itõme Bielea ḡedze karabara. Si abara mafɔḡedze tɔḡedze karabara kukaako.

⁶ Alaso mme ne, ɔwi ɔḡo gɔ wũ nḡbã aaro le nne masu masɔre Ḳaa. Wũ ɔwi ɔḡo gɔ loabɔre i kayi gagbe ame.

⁷ Lookpẽ ikpẽ see fie loɔro wũ karabara le iseterese see awe. Lomõẽ wũ kafokade i Kristo ame lola ise iabo kawirikõ.

⁸ Ita i kinio ne, Ḳaa ɔledza sigaraikoto sekelea ɔse me. Ikoto ne i Bosate gɔ nde atõmexedze i ɔri bɔlɔlɔa iso aatã me ku iyi tsora nemɔ. Fie iide wũ ɔnɔwẽ me loafɔ ne, ḡee bo gu mma ɔḡuḡu ana losu ma ɔriinyɔ masia i Bosate iledza iba iso.

Ba Nya Me Mala.

⁹ Ki i ɔri biara iso si aba aanya me mala.

¹⁰ Alaso Dema ɔrui i wũ kɔre so ɔasiai kayiiso ara i Tesalonika. Kreske ɔrui ɔkele Galatia fie Tito ɔ wũ ɔkele Dalmatia.

¹¹ Luka ɔnɔwẽ loɔkuti i wũ kɔrɛ. Ne ɔso kɔ Marko bɔ alaso ɔto ðaɖe me buale gbaã.

¹² Losese Tihiko Efeso.

¹³ Si ato aba ne, su wũ ɔyu awu tagbaraa wa lonyua lose i Karpo kɔrɛ i Troa bɔ me. Su wũ siko gu titirio ndɛ nde maboi siko sire kukosei ana.

¹⁴ Aleksandro gɔ nde ratoredze ɔbara me ara boa gbaã. Bosate mɔmɔ to ðatã wũ ara wa ɔbara kuso.

¹⁵ Ne ɔso fɔ wũ dzuẽ so i ð iso alaso ɔta ɔɣɛ i bo ara wa boto bote iso gbaã.

¹⁶ Ɔkpe ðeakatɔ gɔ maɣɛ wũ itɔme ne, kuwẽ iiba ðayagu me, ma ɔɖuɖu ɔnyua me mase. Ƴɛɛ lotã Ƴaa iti sɔ ɔdaakpadzẽ ma kutsue i ne iti.

¹⁷ Ƴɛɛ ne, Bosate ɔya me i kɔrɛ ɔpia me ɔle fie lowo Bosate itɔme ɔɣere mma loide ma Yudase i mmɔ. Bosate ɔɖi me ɔbɔregu i kukpi ame.

¹⁸ Bosate to ðaɖi me ɔbɔregu i itikpi biara ame fie ðasegu me i isobue ame gbɔgbɔɔgbɔ loabo Ƴaa sigarakadekɔ i kato. Ile bosu botã Ƴaa ita i kinio ikele kawirikɔ. Si iba ngbɔ.

Lomala Mi So.

¹⁹ Loya Priska gu Akwila gu Onesiforo iyo maturi ɔɖuɖu.

²⁰ Erasto pia i Korinto, ana ne, Trofimo to ɔnye, ne ɔso lonyua wũ lose i Mileto.

²¹ Pia kubɛ sɔ aaba aabo wũ kɔrɛ ngbe fie ɔyu ɔwi aaxo. Eubulo gu Pude gu Lino gu Klaudia gu manyii fɔɖedze tsɔra ɔɖuɖu ɔya mi o-o!

²² Bosate si ɔwegu fɔ siwarã si ð abualera si awegu mi.

Siwu

Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

b5020a1a-c7b9-512a-9b46-1e462be571d4